



Broj: 01/4-50-3-4-22/16
Sarajevo, 10. 5. 2016.

Z A P I S N I K

22. sjednice Komisije za finansije i budžet Predstavničkog doma Parlamentarne skupštine BiH, održane 10.5.2016., od 12,00 do 12,55 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Aleksandra Pandurević, Dušanka Majkić, Amir Fazlić, Mirsad Isaković, Damir Bećirović i Jasmin Emrić.

Sjednici su, također, prisustvovali: Damir Arnaut, poslanik u Predstavničkom domu PSBiH, Senad Softić, guverner Centralne banke BiH, Aleksandar Paleksić, saradnik u Projektu USAID SGIP, Zoran Brkić, viši stručni saradnik za informiranje u Sektoru za odnose s javnošću Sekretarijata PSBiH, Dragana Ćirić, stručni savjetnik u Komisiji za finansije i budžet Doma naroda PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su također prisustvovali i predstavnici medija: Snežana Samardžija, novinarka SRNE, i Amina Nuhanović, novinarka Dnevnog avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 21. sjednice Komisije;
2. Razmatranje Godišnjeg izvještaja i Finansijskih izvještaja Centralne banke BiH za 2015. godinu (sačinilac: Centralna banka BiH);
3. Tekuća pitanja:
 - a) Dogovor Komisije o daljnjem nadzoru realizacije preporuka Ureda za reviziju i zaključaka Komisije za finansije i budžet PD, usvojenih u Predstavničkom domu po reviziji finansijskog poslovanja za 2014. godinu za šest institucija Bosne i

Hercegovine čije je poslovanje ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“.

Predloženi dnevni red usvojen je jednoglasno.

Ad.1. Usvajanje Zapisnika 21. sjednice Komisije

Zapisnik 21. sjednice Komisije usvojen je jednoglasno, bez primjedbi.

Ad.2. Razmatranje Godišnjeg izvještaja i Finansijskih izvještaja Centralne banke BiH za 2015. godinu (sačinilac: Centralna banka BiH)

Godišnji izvještaj i Finansijske izvještaje Centralne banke BiH za 2015. godinu obrazložio je Senad Softić, guverner Centralne banke BiH.

Potom je otvorena rasprava u kojoj su učestvovali: Aleksandra Pandurević, Dušanka Majkić, Mirsad Isaković, Damir Bećirović, Predrag Kožul i Senad Softić, guverner Centralne banke BiH.

Nakon rasprave, Komisija je jednoglasno prihvatila Godišnji izvještaj i Finansijske izvještaje Centralne banke BiH za 2015. godinu.

Ad.3. Tekuća pitanja:

a) Dogovor Komisije o daljnjem nadzoru realizacije preporuka Ureda za reviziju i zaključaka Komisije za finansije i budžet Predstavničkog doma, usvojenih u Predstavničkom domu po reviziji finansijskog poslovanja za 2014. godinu za šest institucija Bosne i Hercegovine čije je poslovanje ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“

Predsjedavajući Komisije upoznao je članove Komisije da je Ured sekretara Komisije 21.3.2016. uputio dopis prema Uredu za reviziju institucija BiH i prema šest institucija BiH čije je poslovanje po finansijskoj reviziji za 2014. ocijenjeno revizorskim “mišljenjem s rezervom” i “mišljenjem s rezervom uz isticanje predmeta”. Komisija je tražila od Ureda za reviziju i institucija da je obavijeste o realizaciji zaključaka sadržanih u pojedinačnim mišljenjima Komisije za institucije BiH. Ured za reviziju i šest institucija BiH dostavili su odgovore na dopise Komisije, pa je potrebno da članovi Komisije utvrde na koji način će Komisija izvršiti nadzor nad realizacijom preporuka Ureda za reviziju i zaključaka Komisije, odnosno Predstavničkog doma, povodom revizije finansijskog poslovanja za 2014. godinu.

Zatim je otvorena rasprava u kojoj su učestvovali: Dušanka Majkić, Amir Fazlić, Predrag Kožul i Željko Kosmajac, sekretar Komisije za finansije i budžet Predstavničkog doma.

Nakon rasprave, Komisija se usaglasila da se:

- na redovnoj sjednici Komisije razmotre Informacija Ureda za reviziju institucija BiH i dopisi šest institucija BiH čije je poslovanje po finansijskoj reviziji za 2014. godinu ocijenjeno revizorskim „mišljenjem s rezervom“ i “mišljenjem s rezervom uz isticanje

predmeta”, te da se članovi Komisije fokusiraju na institucije za koje su bili zaduženi prilikom javnog saslušanja.

- Ured sekretara Komisije zaduži da članovima Komisije dostavi Informaciju Ureda za reviziju i dopise od šest institucija BiH.

Sekretar Komisije

Željko Kosmajac

Predsjedavajući Komisije

Predrag Kožul